



PARLIAMENT  
OF THE REPUBLIC OF SOUTH AFRICA

## VAKALISA ULUVO LWAKHO

### IKHWELO LOKUBA KUBANJWE IINDIBANO ZOLUNTU ZOVAKALISO-ZIMVO IKOMITI YEMICIMBI YESEBE YEZOLIMO, AMAHLATHI NEZOKULOBA

Ngokuhambelana nenjongo endundoqo yePalamente yokuququzelela intatho-nxaxheba nobandakanyeko loluntu kwiinkqubo zowiso-mthetho, iKomiti yeMicumbi yeSebe yezoLimo, amaHlathi nezokuLoba iza kubamba iindibano zoluntu zoVakaliso-zimvo ePalamente ngokubhekiselele kuMthetho-sihlomelo oYilwayo weeMveliso zoTywala [B10 - 2016], uMthetho-sihlomelo oYilwayo wamaHlathi eSizwe [B11 - 2016] kunye noMthetho-sihlomelo oYilwayo woMlilo wamaDlelo nowamaHlathi eSizwe [B22 - 2016] ngoLwesibini, umhla we-15 nangolwesithathu, umhla we-16 kweyeThupha 2017.

#### KUMTHETHO-SIHLOMELO OYILWAYO WEEMVELISO ZOTYWALA [B10 - 2016]

UMthetho-sihlomelo oYilwayo weeMveliso zoTywala [B10 - 2016] uzama ukufakela izihlomelo kuMthetho weeMveliso zoTywala, wowe-1989 (uMthetho onguNomb. 60 wowe-1989), ukuze kube nokufakelwa iinkcazo ezithile kwaye kuhlonyelwe ze kucinywe ezinye; ukubonelela ngokuthiywa ngokutsha kwanokutyunjwa ngokutsha kwamalungu eBhodi yoTywala beWayini kunye nobuneSpirithi, kunye nokuqingqa amagunya ayo; ukubonelela ngemiqathango enxulumene nebhiya, utywala besintu kwakunye nezinye iziselo ezimfaxangiweyo; ukubhangisa isibonelelo esinxulumene nokumiselwa njeengeziguzyaziswe ngokusemthethweni iimveliso ezithile zotywala; ukugunyazisa uMphathiswa ukuze abe nokumisela umntu oza kukhupha iziqinisekiso zokuthunyelwa kwamazwe angaphandle kweemveliso zotywala; ukulungelelanisa izibonelelo ezithile ukuze zihambelane noMgaqo-siseko; ukunabisa amagunya oMphathiswa okwenzisa imimiselo; ukubonelela ngesigama esimisela ulingano ngokwesini; kunye nokulungiselela imiba enxulumene noko.

#### KUMTHETHO-SIHLOMELO OYILWAYO WAMAHLATHI ESIZWE [B11 - 2016]

UMthetho-sihlomelo oYilwayo wamaHlathi eSizwe [B11 - 2016] uzama ukufakela izihlomelo kuMthetho wamaHlathi eSizwe, wowe-1998 (uMthetho onguNomb. 84 wowe-1998), ukuze ube nokubonelela ngeenkcazo ezicacileyo zamahlathi endalo kunye namahlathi angashinyene kuyaphi; ukubonelela ngokuba uluntu lube ngabathenjwa abanonophela amahlathi esizwe; ukwandisa ukukhuthazwa nokunyanzeliswa kolawulo lwamahlathi oluya kuhlala luqhuba; ukwandisa amanyathelo ekubonelelwe ngawo kuMthetho ukulawula nokulungisa ukutshatyalaliswa kwamahlathi; ukubonelela ngezibheni kwizigqibo ezithathwe phantsi kwamagunya nomisebenzi athunyelwe yona othile ngulowo uphetheyo; ukungqina izenzo ezinxamnye nomthetho nezohlwayo; kunye nokulungiselela imiba enxulumene noko.

#### KUMTHETHO-SIHLOMELO OYILWAYO WOMLILO WAMADLELO NOWAMAHLATHI ESIZWE [B22 - 2016]

UMthetho-sihlomelo oYilwayo woMlilo wamaDlelo nowamaHlathi eSizwe [B22 - 2016] uzama ukufakela izihlomelo kuMthetho woMlilo wamaDlelo nowamaHlathi eSizwe, wowe-1998 (uMthetho onguNomb. 101 wowe-1998), ukuze kube nokufakelwa izihlomelo kwaye kufakelwe iinkcazo ezithile; ukubonelela ngokuba kulungiselelwe ukusekwa kwemibutho yokhuselo kumlilo ngumasipala okanye libhunga lemveli; ukunyanzela umasipala, ishishini likarhulumente, amaziko karhulumente okanye elinye iziko loMbuso elinomhlaba ukuba lizimanya nemibutho yokhuselo kumlilo; ukunabisa ukungabisa kumagosa oxolo neenkokheli zemveli amagunya okungena, okusetsha, okuthimba kunye nokubamba; ukufakela isihlomelo kwisihloko salo Mthetho sibe nguMthetho woMlilo wamaDlelo eSizwe; kunye nokulungiselela imiba enxulumene noko.

**Abantu abanomdla kunye namaqela anomdla anqwenela ukuphefumla ngale Mithetho iYilwayo ikhankanywe ngentla ayacelwa ukuba athumelele iziphakamiso ezibhaliweyo kwiKomiti yeMicumbi yeSebe ungadlulanga uLwesihlanu, umhla wesi-4 kweyeThupha 2017. Abachaphazelekayo abanomdla ekwenzeni ingcaciso yomlomo nabo bayacelwa ukuba benze isicelo esibhaliweyo okanye baqhagamshelane neofisi yethu ungadlulanga uLwesihlanu, umhla wesi-4 kweyeThupha 2017.**

Yonke imbalelwano kufanelle ibhekiswe kuNks Machwene Rosina Semanya, uSihlalo weKomiti yeMicumbi yeSebe yezoLimo, amaHlathi nezokuLoba kwaye iphawulwe njengejoliswa kuNks Albertina Kakaza, PO Box 15, Parliament of South Africa, Cape Town, 8000 okanye ithunyelwe ngeimeyile ku [akakaza@parliament.gov.za](mailto:akakaza@parliament.gov.za) okanye ngefeksi kule nombolo: **086 694 3529**, yomnxeba: **(021) 403 3765** okanye **083 709 8391**.

**Sikhutshwe ngu: Nks Machwene Rosina Semanya, iLungu lePalamente uSihlalo weKomiti yeMicumbi yeSebe yezoLimo, amaHlathi nezokuLoba.**

**Parliament. Making Democracy Work**

[www.parliament.gov.za](http://www.parliament.gov.za)